



KENYATAAN MEDIA

**DATO' SRI ALWI BIN HJ. IBRAHIM
KETUA SETIAUSAHA
KEMENTERIAN DALAM NEGERI**

MENGENAI

PENERUSAN PELAKSANAAN PROGRAM PENGGAJIAN DAN PENEMPATAN SEMULA PENDATANG ASING TANPA IZIN (PATI)

1. Kerajaan ingin menyarankan agar pihak majikan di Negara ini menggunakan peluang untuk menyertai Program Penggajian dan Penempatan Semula PATI atau *Rehiring Programme* yang telah bermula pada 15 Februari 2016.

2. Ini adalah susulan keputusan Kerajaan pada 19 Februari 2016 untuk menangguhkan pengambilan semua pekerja asing dari semua negara sumber termasuk Bangladesh. Penangguhan ini berkuatkuasa sehingga Kerajaan berpuas hati mengenai keperluan sebenar tenaga kerja asing sepertimana yang diperlukan oleh industri-industri di negara ini. Kerajaan juga telah menangguhkan penetapan terhadap pembayaran dua kategori levi disamping memberi peluang secukupnya kepada rakyat tempatan bekerja di sektor-sektor yang didominasi oleh pekerja asing.

3. Pelaksanaan *Rehiring Programme* ini akan diteruskan bagi PATI dari 15 negara sumber sedia ada. Dalam konteks ini, para

majikan serta pekerja yang menyertai *Rehiring Programme* serta memenuhi syarat-syarat yang ditetapkan akan dikecualikan daripada tindakan pendakwaan dan hanya perlu membayar kompaun di atas kesalahan tinggal lebih masa serta bayaran-bayaran yang berkaitan bagi tujuan penggajian semula.

4. Pada waktu yang sama kementerian juga mengarahkan Jabatan Imigresen Malaysia (JIM) meningkatkan tindakan penguatkuasaan bagi memastikan kesemua pekerja asing yang berada dalam negara ini mempunyai dokumen dan permit kerja yang sah dan tindakan penguatkuasaan juga diambil kepada pekerja asing yang terlibat dalam sektor-sektor yang tidak dibenarkan penggajian pekerja asing.
5. Jabatan Imigresen telah memulakan operasi pada 19 Februari 2016 dengan pemeriksaan ke atas seramai 2,125 rakyat asing dan daripada jumlah itu, seramai 971 orang telah ditahan atas pelbagai kesalahan Imigresen.
6. Bagi tempoh 15 Februari 2016 hingga 19 Februari 2016, sejumlah 8,418 permohonan Program *Rehiring* telah diterima melibatkan 8,100 permohonan bagi warganegara Republik Indonesia, 178 permohonan bagi warganegara Myanmar dan 140 bagi lain-lain warganegara.
7. Permohonan bagi Program *Rehiring* oleh majikan dan PATI hanya boleh dilakukan secara atas talian melalui portal rehiring.imi.gov.my. Syarat-syarat terperinci program turut boleh dimuat turun daripada laman web yang sama.

8. Sebarang pertanyaan lanjut mengenai Program *Rehiring* boleh dirujuk kepada Pusat Panggilan Program *Rehiring* mengikut warganegara seperti berikut:

Pertanyaan Mengikut Warganegara	No. Telefon	Emel
Republik Indonesia	03 - 4149 4788	enquiry@imantki.com
Myanmar	07-333 4797 / 07-333 6797	enquiry@homme-osc.com
Lain-lain Warganegara	03 - 7801 8888	rehiring@myeg.com.my

9. Sebarang pertanyaan lanjut berhubung Program *Rehiring* boleh menghubungi Bilik Gerakan Jabatan Imigresen Malaysia di talian 03-8880 1555 atau 03-8880 1557 pada setiap hari bermula jam 8.30 pagi hingga 11.00 malam.

**KEMENTERIAN DALAM NEGERI
Putrajaya
20 Februari 2016**

Untuk maklumat lanjut sila hubungi Bahagian Komunikasi Korporat di talian 03 - 88868533